

Матфеин 17 бөлг .

1. Зурьан өдр давсн хөөн Иисус Пётриг, Иаковиг, Иоанниг болн Иоанна ахинь дахулад, ьанцхн эднтэ өндр уул деер ьарв.
2. Генткн Иисус теднэ нүднд хүврж одв. Терүнэ чирэнь герлтжэх нарнла эдл болж одв.
Хувцнь гилвкэд цаһаж одв.
3. Генткн теднэ өмн Моисей, Илия хойр ирэд Иисула күүнджэснь үзгдв.
4. Пётр Иисусд келв: «Деед Эзн,маднд энд йир тааста болжана. Би ьурвн харшм кенэв: «Негнь - Танд, негнь - Моисейд, бас негнь - Илияд.
5. Тиигж келжэтлнь генткн гилвксн цаһан үүлн тедниг бүркчкв.Үүлн дотрас дун соңсгдв: «Энтн Мини дурта Көвүм. Энүнд Мини эвэлм. Энүг соңстн!»
6. Энүг соңссн сурьульчнр ик гидгэр ээьэд чирэ деерэн унцхав.
7. Иисус өөрдэд теднд ьаран күргэд келв: «Бостн, бичэ ээтн!»
8. Тедн босад, ьанцхн Иисусиг үзв.
9. Уулас бууж йовад, Иисус тенд үзсн юман бичэ күүнд келтн – гиж закв.
10. Сурьульчнр Терүнэс сурцхав: « Юңгад Илия түрүлэд ирхмн - гиж дегтр бичдг улс келцхэсмб?»
11. Иисус келв: «Э-э, Илия түрүлэд ирх зөвтэ, цугинь белдх зөвтэ.
12. Илия ирлэ. Зуг терүгинь медлго эврэннь дурарн кецхэв.Терүнлэ эдл Күмни Көвүн чигн теднэс зовлң үзх.»
13. Тиигхлэ сурьульчнр уснд кирслдг Иоанна тускар Иисус келжэхнь медв.
14. Тедниг олн эмтн тал өөрдэд ирхлэ, нег күн сөгдэд келв:
15. «Зерг! Мини көвүг хээрлтн. Сар урьхла, көвүн мини икэр зовна: ьалд болн уснд унна.
16. Би Тана сурьульчнр тал авч ирхлэ, тедн эдгэж чадсн уга.»
17. Иисус хэрү өгв: «Иткл уга бээдг улс, тадниг кезэ күртл тесхв? Терүг Нанур авад иртн.»
18. Иисус эрлгиг түүнэс көөьэд ьарьв, көвүн эдгдж одв.

19. Иисусиг ыанцхарн бээсн цагла, сурьульчнр Терүнэс сурв: «Бидн ыад эдгэж чадсн угавидн?» Иисус иигж хэрү өгв:
20. « Тадниг иткл уга бээсн төлэд бичкн горчисин экнэ дүнгэ иткл таднд бээсн болхла, тадн тер уулыг энүнэс тииглэн од гисн болхла күцх билэ.
21. Тадн Бурхндан өдрмүд нерэдсн цагт, зальврад бээхлэ эн шулмс – көөгднэ.
22. Галилейд тедн бээхлэ Иисус сурьульчнртан келв: «Күмни Көвүг күүнэ ыарт бээрж өгх,
23. теднэр алгдад, ыурвдгч өдртнь эмдрх. Сурьульчнрнь икэр ыашудцхав.»
24. Тедниг Капернаумд ирхлэнь, алв цуглулдг улс сурв: «Тана Багш алв өгхий?»
25. Пётр келв: «Өгх.» Пётриг герт орж йовхлань Иисус сурв: «Симон, чи юн гиж тоолжанаач?
26. Эн ыазр деер хаанмуд эврэннь көвүдэсн алв авдг болхий, эс гиж талдан улсас? Пётр келв: «Талдан улсас.» Тиигхлэ көвүднь алвас сулджана,
27. зуг эмтиг йос бичэ эвдтхэ гийэд авд орулшго төлэд, теңгс орад ыахуль хаяд заьс бэр.Түрүн заьсна аминь секэд хэлэ. Амн дотрнь деншг олж авхич. Терүг авч одад ма хойрин төлэ өгчк» – гиж Иисус келв.